



Broj: 16-12-16-6282- 10 /23
Istočno Sarajevo, 06.09. .2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, br. 39/14 i 59/22), člana 9. stav (2) Pravilnika o uslovima i načinu korištenja e-aukcije („Službeni glasnik BiH”, broj 66/16) i Izvještaja o toku i završetku e-aukcije od 04.09.2023. godine, na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-6282/23 od 04.09.2023. godine, u postupku javne nabavke kancelarijskog namještaja za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u postupku javne nabavke
kancelarijskog namještaja za LOT-1, LOT-2 i LOT-3
za potrebe Državne agencije za istrage i zaštitu

Član 1.

U postupku javne nabavke kancelarijskog namještaja za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, korištenjem e-aukcije, na preporuku Komisije za nabavke za potrebe Agencije u 2023. godini broj 16-12-16-6282/23 od 04.09.2023. godine, dodjeljuje se ugovor za:

- LOT-1 (Nabavka radnih stolica), ponuđaču „R&S” d.o.o. Sarajevo, ponuda broj, 16-12-16-6282-7/23 od 25.08.2023. godine za ponuđenu cijenu od 17.430,00 KM bez uračunatog PDV-a;
- LOT-2 (Nabavka radnih stolova i kasete), ponuđaču „LARIX” d.o.o. Doboj, ponuda broj, 16-12-16-6282-5/23 od 24.08.2023. godine za ponuđenu cijenu od 2.390,00 KM bez uračunatog PDV-a;
- LOT-3 (Nabavka arhivskih drvenih ormara), ponuđaču „LARIX” d.o.o. Doboj, ponuda broj, 16-12-16-6282-5/23 od 24.08.2023. godine za ponuđenu cijenu od 3.395,00 KM bez uračunatog PDV-a, umanjenu prema rezultatima e-aukcije.

Član 2.

(1) Ponuđači „R&S” d.o.o. Sarajevo i „LARIX” d.o.o. Doboj obavezani su ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđači su obavezani dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-6282-1/23 od 27.07.2023. godine pokrenut je postupak javne nabavke kancelarijskog namještaja, a za potrebe Agencije, u procijenjenoj vrijednosti 23.247,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-129-3-40/23 od 02.08.2023. godine i u („Službenom glasniku BiH”, broj 56/23) od 11.08.2023. godine. Predmet javne nabavke je nabavka kancelarijskog namještaja, a prema sljedećim LOT-ovima:

- LOT -1 (Nabavka radnih stolica) u procijenjenoj vrijednosti 17.436,00 KM;
- LOT -2 (Nabavka radnih stolova i kasete) u procijenjenoj vrijednosti 2.393,00 KM;
- LOT -3 (Nabavka arhivskih drvenih ormara) u procijenjenoj vrijednosti 3.418,00 KM, sve bez uračunatog PDV-a.

Novčana sredstva za predmetnu nabavku su obezbijedena u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH”, broj 22/23). Navedena nabavka predviđena je u Izmjeni plana javnih nabavki roba i usluga Agencije za 2023. godinu, pod brojem 3.1.1.1., 3.1.1.2., 3.1.1.3. i 3.1.1.4.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 25.08.2023. godine do 13:00 sati, te da se ponude dostavljaju u zatvorenoj koverti, Komisija je dana 25.08.2023. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo pet ponuda na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno je dostavljeno pet ponuda i to:

R.br.	Broj protokola	Naziv ponuđača	Datum i sat prijema ponuda
1.	16-12-16-6282-4/23	„HAFELE BH” d.o.o. Gračanica	24.08.2023.g. u 11:30 h
2.	16-12-16-6282-5/23	„LARIX” d.o.o. Doboj	24.08.2023.g. u 11:30 h
3.	16-12-16-6282-6/23	„MIRA-MAR” d.o.o. Foča	24.08.2023.g. u 11:30 h
4.	16-12-16-6282-7/23	„R&S” d.o.o. Sarajevo	25.08.2023.g. u 09:57 h
5.	16-12-16-6282-8/23	„GRADIZ” d.o.o. Sarajevo	25.08.2023.g. u 12:10 h

R.br.	Naziv ponuđača	Ponuđena cijena u KM (bez PDV-a)
1.	„HAFELE BH” d.o.o. Gračanica	LOT-1=17.425,00 LOT-2=4.725,00 LOT-3=3.400,00
2.	„LARIX” d.o.o. Doboj	LOT-1=17.433,50 LOT-2=2.390,00 LOT-3=3.415,00
3.	„MIRA-MAR” d.o.o. Foča	LOT-3=3.400,00
4.	„R&S” d.o.o. Sarajevo	LOT-1=17.430,00 LOT-3=3.400,00
5.	„GRADIZ” d.o.o. Sarajevo	LOT-1=17.000,00 LOT-2=3.255,00 LOT-3=2.990,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, br. 39/14 i 59/22) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu. Cijeneći navedeno, Komisija je utvrdila da ponuđači „LARIX” d.o.o. Doboj za (LOT-1, LOT-2 i LOT-3), „MIRA-MAR” d.o.o. Foča za (LOT-3) i „R&S” d.o.o. Sarajevo za (LOT-1 i LOT-3) ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu.

Dalje, Komisija posebno ističe da su za predmetni postupak javne nabavke ponude dostavili ponuđači „HAFELE BH” d.o.o. Gračanica za (LOT-1, LOT-2 i LOT-3) i „GRADIZ” d.o.o. Sarajevo (LOT-1, LOT-2 i LOT-3). Za navedeni postupak nabavke tačkom 2.2.3. Konkurentskog zahtjeva, tražena je, uz ponudu Izjava o garantnom roku za ponuđeni kancelarijski namještaj od minimalno 24 mjeseca, a na bazu- zvijezdu i mehanizme (kancelarijske radne stolice) za podešavanje visine minimalno 12 mjeseci, što ponuđač „HAFELE BH” d.o.o. Gračanica nije dostavio. Takođe, ponuda imenovanog ponuđača za LOT-2 iznosi 4.725,00 KM bez uračunatog PDV-a što predstavlja prekoračenje procijenjene vrijednosti nabavke za LOT-2 a koja ista iznosi 2.393,00 KM bez uračunatog PDV-a. S tim u vezi, imenovani ponuđač ne ispunjava kvalifikacione uslove postavljene u Konkurentskom zahtjevu. U skladu sa postavljenim uslovima iz Konkurentskog zahtjeva, tačkom 3.1.3. Ekonomska i finansijska sposobnost, član 47. ZJN će se utvrditi na osnovu odgovarajućeg dokumenta koji izdaje banka ili druga finansijska institucija u skladu sa pozitivnim propisima, što kao dokaz predstavlja: „Potvrda-Izvjestaj o računima pravne osobe iz Jedinstvenog registra transakcijskih računa u Bosni i Hercegovini izdatu od strane Centralne banke Bosne i Hercegovine ili potvrdu izdatu od strane poslovne, komercijalne banke certificirane za izdavanje takve potvrde-izvještaja isključivo na obrascu Centralne banke Bosne i Hercegovine, da računi ponuđača nisu blokirani ili ekvivalentan dokument ako se radi o ponuđaču iz inostranstva”. S tim u vezi, ponuđač „GRADIZ” d.o.o. Sarajevo je dostavio navedenu Potvrdu ali ista nije izdata na obrascu Centralne banke Bosne i Hercegovine, a što je u suprotnosti sa postavljenim uslovima iz Konkurentskog zahtjeva (tačka 3.1.3.). Takođe,

ponuda ponuđača „GRADIZ” d.o.o. Sarajevo za LOT-2 iznosi 3.255,00 KM bez uračunatog PDV-a što predstavlja prekoračenje procijenjene vrijednosti nabavke za LOT-2 a koja ista iznosi 2.393,00 KM bez uračunatog PDV-a. Uzimajući u obzir naprijed navedeno, ponude ponuđača „HAFELE BH” d.o.o. Gračanica i „GRADIZ” d.o.o. Sarajevo su neprihvatljive, te se iste odbacuju u skladu sa članom 68. stav (4) tač. i) i j) ZJN.

Za postupak javne nabavke kancelarijskog namještaja za potrebe Agencije, tačkom 8. (8.2.) Konkurentskog zahtjeva predviđeno je provođenje e-aukcije u skladu sa odredbama Pravilnika.

Imajući u vidu da su za:

- LOT-1 (Nabavka radnih stolica) od četiri dostavljene ponude, dvije prihvatljive („LARIX” d.o.o. Doboj i „R&S” d.o.o. Sarajevo), Komisija zakazuje e-aukciju za dan 04.09.2023. godine sa početkom u 10:00^h, u trajanju od 20 minuta;

- LOT-3 (Nabavka arhivskih drvenih ormara) od pet dostavljenih ponuda, tri prihvatljive („LARIX” d.o.o. Doboj, „MIRA-MAR” d.o.o. Foča i „R&S” d.o.o. Sarajevo), Komisija zakazuje e-aukciju za dan 04.09.2023. godine sa početkom u 11:00^h, u trajanju od 20 minuta.

Dalje, obzirom da je za:

- LOT-2 (Nabavka radnih stolova i kasete) od tri dostavljene ponude, jedna prihvatljiva („LARIX” d.o.o. Doboj), e-aukcija se neće provoditi za navedeni LOT, u skladu sa članom 3. stav (3) Pravilnika, već se postupak za navedeni LOT okončava u skladu sa članom 69. ZJN, primjenjujući kriterij najniže cijene u skladu sa tačkom 8. (8.1.) Konkurentskog zahtjeva.

Prema Izvještaju o toku i završetku e-aukcije od 04.09.2023. godine, Komisija je sačinila konačnu rang listu ponuđača koji su učestvovali u postupku e-aukcije za LOT-1 i LOT-3, kako slijedi:

LOT-1 (Nabavka radnih stolica)

Redni broj	Naziv ponuđača	Vrijednost ponude u KM (bez PDV-a)	Rang
1.	„R&S” d.o.o. Sarajevo	17.430,00	1
2.	„LARIX” d.o.o. Doboj	17.433,50	2

LOT-3 (Nabavka arhivskih drvenih ormara)

Redni broj	Naziv ponuđača	Vrijednost ponude u KM (bez PDV-a)	Rang
1.	„LARIX” d.o.o. Doboj	3.395,00	1
2.	„R&S” d.o.o. Sarajevo	3.400,00	2
3.	„MIRA-MAR” d.o.o. Foča	3.400,00	3

Nakon provedenog postupka e-aukcije, shodno Izvještaju o toku i završetku e-aukcije od 04.09.2023. godine za LOT-1 i LOT-3, Komisija je utvrdila da za LOT-1 nije bilo snižavanja cijene ponude kao kriterija za dodjelu ugovora, dok je za LOT-3 bilo snižavanja cijene ponude kao kriterija za dodjelu ugovora, u skladu sa članom 8. Pravilnika. Takođe, Komisija je u skladu sa članom 65. st. (1) i (2) ZJN ocijenila ponude kvalifikovanih ponuđača, primjenjujući kriterij najniže cijene iz tačke 8. (8.1.) Konkurentskog zahtjeva, te je sačinila listu ocijenjenih ponuda, kako slijedi:

LOT-1 (Nabavka radnih stolica)

Redni broj	Naziv ponuđača	Vrijednost ponude u KM (bez PDV-a)	Rang
1.	„R&S” d.o.o. Sarajevo	17.430,00	1

LOT-2 (Nabavka radnih stolova i kasete)

Redni broj	Naziv ponuđača	Vrijednost ponude u KM (bez PDV-a)	Rang
1.	„LARIX” d.o.o. Doboj	2.390,00	1

LOT-3 (Nabavka arhivskih drvenih ormara)

Redni broj	Naziv ponuđača	Vrijednost ponude u KM (bez PDV-a)	Rang
1.	„LARIX” d.o.o. Doboj	3.395,00	1


Nakon provedenog postupka ocjenjivanja dostavljenih ponuda, te nakon provedenog postupka e-aukcije, Komisija je utvrdila da je ponuda ponuđača „R&S” d.o.o. Sarajevo ocijenjena kao najpovoljnija ponuda za LOT-1, dok je ponuda ponuđača „LARIX” d.o.o. Doboj ocijenjena kao najpovoljnija ponuda za LOT-2 i LOT-3, te da iste ne premašuju procijenjenu vrijednost nabavke iz tačke I Odluke o pokretanju postupka javne nabavke kancelarijskog namještaja za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se u predmetnom postupku nabavke ugovor za LOT-1 dodijeli ponuđaču „R&S” d.o.o. Sarajevo, a za LOT-2 i LOT-3 dodijeli ponuđaču „LARIX” d.o.o. Doboj kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima 5x;
- Sektoru za mat.-fin. poslove;
- a/a.



 DIREKTOR
 GLAVNI GENERALNI INSPEKTOR POLICIJE
 Darko Čulum